

Jemaah, yang dipanggil menjadi garam dan cahaya, dipanggil untuk mengambil peranan nabi untuk mempertanggungjawabkan kerajaan kepada Allah. Pada permulaan kewujudan Jemaah, para Rasul dan orang Kristian awal telah membantah kerajaan mereka apabila mereka diwajibkan untuk melakukan hal-hal yang bertentangan dengan kehendak Allah. Mereka dianiaya dan bahkan dibunuh sebagai martir kerana perkara itu. Dengan cara itu, mereka mempertanggungjawabkan kerajaan mereka kepada Allah. Sejak itu, orang Kristian selama berabad-abad, juga telah menentang kerajaan-kerajaan yang melanggar kehendak Allah.


Oleh sebab usaha orang Kristian yang menjadi garam dan cahaya pada masa lalu, kerajaan Allah telah diteguhkan dalam kebanyakan kerajaan di dunia dalam bentuk perlembagaan yang selaras dengan Sepuluh Hukum.

Gereja hari ini tidak perlu bermula dari kosong. Apa yang perlu dibuat adalah memastikan supaya kerajaan mentafsirkan dan melaksanakan perlembagaan dengan betul. Dengan adanya perlembagaan yang baik, maka tugas daripada pihak agama untuk mempertanggungjawabkan kerajaan kepada Tuhan telah menjadi lebih mudah.

Orang tidak perlu menjadi aktivis politik. Apa yang dapat dilakukan oleh orang Kristian adalah sekurang-kurangnya mendapatkan maklumat untuk dirinya sendiri tentang perkara yang benar berkaitan dengan negara dan kerajaannya, kemudian mengundi menurut suara hati.

Lagipun Yesus telah membebaskan kita untuk mencari kehendak Tuhan bagi keluarga dan negara kita dengan berjanji untuk memenuhi keperluan kita. Dia berkata, "Tetapi carilah dahulu Kerajaan Allah dan kehendak-Nya, maka semuanya itu akan ditambahkan kepadamu" (Alkitab TB). Sering kali, keperluan untuk mencari nafkah menjadi penghalang untuk mencari Kerajaan Allah. Tetapi ayat itu menunjukkan bahawa menginginkannya kehendak Allah terjadi di bumi adalah lebih utama daripada mencari nafkah hidup.

Oleh itu, keperluan untuk mencari nafkah hidup pun bukan alasan untuk tidak mencari kehendak Allah terjadi dalam dan melalui kehidupan kita. [NECF]



Selanjutnya, bacalah artikel Mengundi dengan Bijak oleh Eugene Yapp, Setiausaha Eksekutif, Komisi Penyelidikan NECF dalam Berita NECF Okt-Dis 2011.

NECF
MALAYSIA

Diterbitkan oleh NECF Malaysia, 2012

Orang Kristian & Peti Undi

Pilihan Raya Umum ke-13 semakin dekat. Bagaimanakah kita mempersiapkan diri untuk menentukan masa depan negara kita Malaysia?

Dengan doa dan Firman Tuhan?

Dengan analisis kedai-kopi?

Dengan maklumat yang lengkap dan objektif?

Apakah pertimbangan kita semasa memikirkan siapa dan parti campuran apa yang harus disokong?

Adakah ekonomi dan kebajikan kita sendiri yang menjadi keutamaan?

Berapa pentingkah kebebasan beragama dan kebebasan yang lain bagi manusia? Adakah kita mengambil kira mandat Alkitab untuk kerajaan supaya memerintah dengan adil dan saksama?


Dan apabila sampai kepada pilihan yang diambil:

Haruskah kita mengambil risiko terhadap kerajaan yang belum diuji?

Bolehkah janji-janji perubahan dipercayai?

Bolehkah kita mempercayai parti-parti yang berasaskan agama?

Adakah ini bererti memilih yang kurang jahat antara dua kejahatan?



PRU 13: SAAT GENTING BAGI KEBEBASAN BERAGAMA

Menurut pandangan Alkitab, semua kerajaan adalah sementara dan diamanahkan dengan kuasa daripada Allah. Oleh itu, mereka bertanggungjawab kepada Allah dalam setiap keputusan dan tindakan yang diambil. Sebagai pengundi, kita mesti mengundi orang yang dapat memastikan supaya keadaan untuk hidup dan bersuara sebagai manusia, dijamin dan dilindungi.

Kerajaan yang kita pilih hendaklah yang memperhatikan kebaikan untuk semua. Ia harus memastikan supaya ada ruang demokrasi bagi kebebasan memilih, bersuara dan hak-hak asasi manusia yang lain. Ia harus membela institusi awam yang menghasilkan kehidupan yang baik dan benar. Syarat-syarat seperti itu perlu agar rakyat dapat hidup dengan sejahtera, rukun, dan bertanggungjawab.

Ada banyak syarat seperti itu, termasuklah menjunjung Kedaulatan Undang-Undang dan menubuhkan demokrasi yang betul. Ini termasuklah pengundian yang bebas dan adil serta menghentikan penyalahgunaan kuasa, pemberian rasuah dan penindasan orang miskin dan kaum yang terpinggir.

Bagaimanapun, salah satu syarat yang seharusnya menjadi perhatian orang Kristian adalah kebebasan beragama. Maksudnya, kebebasan untuk menukar kepercayaan sendiri, dan untuk menyatakan kepercayaan dalam pengajaran, praktik, ibadah dan amalan¹.

Masyarakat hanya bebas apabila ada kebebasan memilih, bersuara dan beragama, terutama dalam kalangan kaum minoriti. Jika masyarakat bercakap tentang kerukunan dan kepelbagaian tanpa mempedulikan kebebasan tersebut, maka ia adalah suatu percanggahan.

Dalam pilihan raya yang akan datang, antara banyak perkara yang patut diperhatikan, NECF ingin menitikberatkan hal kebebasan beragama yang jarang dikemukakan kepada calon-calon pada pilihan raya yang lalu. Mungkin inilah peluang untuk meletakkan syarat ini kepada para calon kerana ia melibatkan kebebasan yang sangat penting yang termaktub dalam Perlembagaan Persekutuan.

boleh campurtangan kecuali orang mengamalkan agama yang mempromosikan kegiatan jenayah.

- Berdasarkan Hukum Emas: “Jangan lakukan kepada orang lain apa yang kita sendiri tidak mahu dilakukan kepada kita.” Semua agama mengajarkan Sepuluh Hukum (Matius 7:12). Menurut Rasul Paulus, orang daripada semua jenis agama, atau tiada agama, mengetahui tentang Hukum Emas itu kerana Tuhan telah menaruh Sepuluh Hukum itu dalam hati nurani mereka (Roma 2:14-16). Kerana itu, perlembagaan yang berdasarkan Hukum Emas adalah selaras dengan Sepuluh Hukum. Perlembagaan seperti itu akan memperlakukan setiap rakyat dengan sama rata di sisi undang-undang dan memperhatikan kebajikan semua rakyat.

ii) Peranan Media sebagai Suara Nabi

Apa yang berlaku apabila kerajaan melanggar perlembagaan? Siapakah yang mempertanggungjawabkan kerajaan kepada Allah?

Peranan ini diambil oleh para nabi di Israel. Seorang nabi sejati dipanggil secara peribadi dan diutus oleh Allah untuk menegur raja dengan firman Allah apabila raja melanggar Sepuluh Hukum. Nabi-nabi mewakili bahagian budaya yang mempertanggungjawabkan kerajaan kepada perlembagaan, dan kepada Allah. Apakah yang serupa dengan nabi-nabi dalam negara moden?

Dalam negara demokrasi seperti Malaysia, peranan nabi ini biasanya diambil oleh pihak media, bersama-sama rakyat yang berpengetahuan.

Bagaimana media mempertanggungjawabkan kerajaan kepada perlembagaan tersebut?

- Dengan memaklumkan rakyat perkara yang benar tentang negara dan kerajaan. Rakyat yang berpengetahuan pun dapat mempertanggungjawabkan kerajaan terhadap perlembagaan melalui cara-cara demokrasi, misalnya mengundi dalam pilihan raya.
- Media yang bebas ditakuti oleh kerajaan. Hal ini adalah baik bagi kerajaan dan negara kerana ia membantu kerajaan untuk melakukan yang benar. Dengan demikian, negara boleh maju.

Tetapi sering kali kerajaan, terutamanya jika ia korup, tidak mengizinkan media bebas. Apabila kerajaan terlalu mengawal media, suatu media lain harus diwujudkan dan disokong oleh rakyat yang prihatin. Jika tidak, rakyat dalam negara akan hanya mengetahui apa yang kerajaan korup itu mahu rakyat ketahui.

C. Bagaimanakah Jemaah Tuhan Memberikan Respon?

Perintah untuk mencari dahulu kerajaan Allah dan kehendak-Nya adalah perintah untuk hidup sesuai dengan panggilan Jemaah supaya menjadi garam dan cahaya di dunia (Matius 5:13-16).

¹ Artikel 18 dalam Pengisytiharan Universal Hak-Hak Asasi Manusia.

Dengan itu, kerajaan diwakili oleh raja, para hakim dan undang-undang yang diberi oleh Allah melalui Musa. Kerajaan mempunyai tiga cabang, dan ketiga-tiga cabang itu tersendiri dan bebas.

B. Melihat Malaysia Hari Ini

Dalam negara moden seperti Malaysia, kerajaan pun mempunyai tiga badan yang berasingan.

Badan yang serupa dengan raja Israel purba ialah badan yang memerintah negara. Ini dipanggil Eksekutif. Pada peringkat persekutuan, badan Eksekutif terdiri daripada Perdana Menteri dan kabinetnya; pada peringkat negeri, ia terdiri daripada Ketua Menteri atau Menteri Besar dan kabinetnya.

Badan yang serupa dengan hukum Musa ialah Perundangan. Pada peringkat persekutuan, Badan Perundangan terdiri daripada Parlimen; pada peringkat negeri ia terdiri daripada Dewan Negeri. Badan kerajaan ini menggubal undang-undang negara, dan undang-undang itu harus selaras dengan perlembagaan.

Badan yang serupa dengan hakim-hakim ialah Kehakiman, yang mentafsirkan serta menerapkan perlembagaan dan undang-undang negara.

Isu Kebertanggungjawapan

Sebagaimana halnya dengan Israel, kehendak Tuhan bagi negara moden seperti Malaysia adalah bagi kerajaan untuk mempertanggungjawabkan rakyat kepada Tuhan, dan bukan kepada Perdana Menteri.

Dalam amalan, agar perkara ini berlaku, adalah penting untuk memastikan supaya ketua kerajaan tidak mempengaruhi Badan Kehakiman atau Badan Perundangan. Oleh sebab Badan Perundangan menggubal undang-undang yang ditafsirkan dan dilaksanakan oleh Badan Kehakiman, maka adalah penting supaya kita mengundi orang yang tepat untuk menganggotai Parlimen dan Dewan Undangan Negeri.

Bagaimana mungkin kerajaan pada hari ini mempertanggungjawabkan negara kepada Tuhan? Ia melakukannya dengan: i) mempertanggungjawabkan rakyat kepada perlembagaan yang selaras dengan Sepuluh Hukum, dan ii) melalui peranan media sebagai suara bagi keagamaan.

i) Ciri Perlembagaan

Apakah perlembagaan yang selaras dengan Sepuluh Hukum? Ia hendaklah:

- *Mengharuskan tiga badan kerajaan itu bebas.*
- *Menjamin kebebasan beragama.* Oleh sebab keluarga dan agama bertanggungjawab langsung kepada Tuhan dan bukan kepada kerajaan, maka rakyat harus bebas untuk memilih dan mengamalkan agama pilihan mereka. Pilihan agama mereka adalah antara mereka dan Tuhan Pencipta. Kerajaan tidak

Oleh itu, marilah mempertanggungjawabkan calon-calon terhadap perkara-perkara berikut:

- Mendukung Perlembagaan Persekutuan
- Berhenti menyalahgunakan agama untuk kepentingan politik.
- Berhenti menggunakan undang-undang negeri untuk mendiskriminasikan dan menakut-nakutkan agama minoriti (Kristian, Shia, Ahmadiyah, dsb.)
- Berhenti merobohkan rumah-rumah ibadah yang dibina di atas tanah milik persendirian dan tanah yang digazet untuk penduduk asli.
- Menyokong penggubalan undang-undang yang melindungi kebebasan memilih dan kebebasan beragama untuk semua rakyat, termasuk menukar agama sendiri.
- Mengemukakan cadangan deraf di Parlimen, berkaitan dengan perselisihan tentang penganutan agama anak dan hak penjagaan anak dalam keluarga berbilang agama.
- Menyokong pendidikan sivik tentang kebebasan-kebebasan ini kepada anak-anak kita dan generasi akan datang.
- Membuat pembaharuan dalam saluran-saluran yang menyebarkan ideologi membenci kaum, agama dan budaya lain, iaitu Biro Tatanegara.
- Mengekalkan kepatuhan ketat terhadap batas undang-undang Syariah yang tidak meletakkan orang bukan-Muslim di bawah bidang kuasanya.
- Mendisiplinkan “Napoleon-Napoleon Kecil” yang bertindak keterlaluan dalam pentadbiran kerajaan dan menghalang polisi kabinet yang bermaksud melindungi serta mengembangkan keharmonian antara kaum dan kebebasan beragama.
- Memastikan supaya kerajaan mentadbir negara tanpa dipengaruhi oleh pihak penguasa dari jabatan agama.

Beberapa soalan lain yang mungkin anda ingin mengemukakan kepada calon-calon pilihan raya

Apakah yang anda dan parti anda lakukan untuk:

1. Menghapuskan kemiskinan?
2. Menyediakan peluang pekerjaan?
3. Menyediakan perumahan yang sesuai dan mampu-beli?
4. Memastikan harga yang murah bagi keperluan asas?
5. Menghapuskan segala bentuk rasuah dan pentadbiran yang tidak amanah di sektor awam?
6. Menghentikan penyalahgunaan dan pengautan keuntungan melalui projek-projek kerajaan?
7. Memastikan peluang-peluang yang sama dalam pendidikan tinggi untuk semua pelajar yang berkebolehan dan cemerlang?
8. Mempertahankan dan melindungi kebebasan asasi di bawah Bahagian II dalam Perlembagaan Persekutuan?
9. Memastikan agar semua rakyat bebas menganut dan mengamalkan agama mereka?
10. Memastikan agar semua rakyat bebas berhimpun, bersuara dan bersatu?
11. Memastikan agar semua rakyat bebas berhubung satu sama lain secara sosial, politik, professional dan agama tanpa gangguan yang tidak wajar atau di kawal oleh pihak berkuasa?
12. Mendukung kebebasan dan integriti badan kehakiman?
13. Menggalakan media yang bebas tetapi bertanggungjawab?
14. Mendukung kebebasan (mendapatkan) maklumat?
15. Memberi rakyat peranan yang lebih besar dan penyertaan dalam demokrasi?

Menjadi Garam dan Terang di Malaysia

Dr. Leong Tien Fock

Dr. Leong Tien Fock, seorang pakar Perjanjian Lama dan penyelidik/pemerhati isu-isu masyarakat di Campus Crusade For Christ di Semenanjung Malaysia. Ini adalah ringkasan artikel dalam Berita NECF Januari-Mac 2011. Artikel lengkap boleh didapati di laman web NECF. Artikel ini berdasarkan ceramahnya dalam seminar, yang bertajuk 'Perspektif Alkitab terhadap Penglibatan dalam Politik', pada 7 Nov 2010 di Kuching, yang dianjurkan bersama oleh NECF Malaysia dan Kuching Ministers Fellowship.

Apakah yang dapat kita ketahui tentang kehendak Allah bagi negara dan kerajaan? Kita dapat melihat apa yang sepatutnya berlaku pada Israel dalam Perjanjian Lama.

A. Pelajaran daripada Israel dalam Sejarah

Perlembagaan

Israel diperintahkan untuk mematuhi Sepuluh Hukum dalam segenap hal-ehwal negara. Sepuluh Hukum itu ialah undang-undang tertinggi Israel. Pada hari ini, undang-undang tertinggi seperti itu, yang kerajaan pun harus tunduk, dipanggil perlembagaan negara.

Pihak Berkuasa

Hukum kelima dalam Sepuluh Hukum adalah: "Hormatilah bapa dan ibu kamu, sebagaimana Aku TUHAN, Allah kamu, perintahkan kamu, supaya kamu sejahtera dan panjang umur di tanah yang akan Aku beri kepada kamu" (Ulangan 5:16 Alkitab Berita Baik). Hukum ini juga adalah tentang pihak-pihak berkuasa dalam negara. Ibu bapa ialah yang berkuasa dalam keluarga masing-masing. Sebuah negara memerlukan pihak-pihak berkuasa di luar lingkungan keluarga.

Menurut Ulangan fasal 16 hingga 18, terdapat empat lagi kategori yang berkuasa: hakim-hakim, imam-imam dan nabi-nabi. Setiap kategori ini mempunyai bidang kuasa sendiri, dan setiap bidang kuasa itu bertanggungjawab secara langsung kepada Allah. Mereka berbuat demikian dengan tunduk pada kehendak Allah, yang dinyatakan dalam Sepuluh Hukum, iaitu perlembagaan Israel.

Ini bererti, meskipun raja menjadi ketua negara, dia sendiri pun harus tunduk kepada perlembagaan, dan dalam keadaan biasa, dia tidak boleh campurtangan dalam bidang kuasa badan-badan lain. Tetapi dia akan campurtangan apabila ada jenayah yang berlaku di mana-mana badan kerana dialah penguasa atas semua. Apabila hal ini terjadi, seorang hakim akan membicarakan kes itu. Dan dia akan melakukannya berdasarkan undang-undang yang diberi oleh Allah, bukan undang-undang yang dibuat oleh raja atau hakim; dan raja tidak boleh campurtangan dengan cara hakim mengambil keputusan terhadap kes tersebut. Oleh itu, raja, undang-undang, dan para hakim adalah badan-badan yang tersendiri dan bebas. Dalam hal ini, raja mempertanggungjawabkan rakyat kepada Allah, dan bukan kepada dirinya sendiri.